



周益公文集一百十一卷

王堂類稿卷第十一

宋廬陵周益公必大著

賜南平古城勅書

賜南平王李天祚郊祀加恩制誥勅書乾道六年

勅南平王李天祚朕頃迎至景祇款圓丘乃眷南邦
夙虔內貢撫封雖遠推惠不遐寵以論言申之賜式
往膺廷渙庸對神釐今賜卿馬二疋金鍍銀作子鞍
轡一副纓紋全衣一襲紫羅夾公裳一領熟白小綾
寬汗衫一領綾勒綿一條熟白大綾寬夾袴一要紅
羅夾繡三褙一條抱肚一條二十伍兩金御仙花腰

帶一條五十兩白成銀腰帶匣一具金花銀一百兩
鈔羅二面衣着細衣着共雜色絹二百尺綠絹四十
三尺赤黃絹二十三尺緋絹三十尺淺色絹三十二
尺碧絹二十二尺槐黃絹二十六尺粉紅絹二十四
尺至可領也故茲云諭想宜知悉春寒卿比平安好
遣書指不多及

賜南平王李天祚乾道八年曆日勅書乾道七

年八月

勅南平王李天祚克重南交曆星辰而申命禹臨四
海暨聲教以成功菲涼雖愧於前猷正朔當頒於遠
服其成密度用洽同文今賜卿乾道八年曆日一卷
可領也故茲示諭想宜知悉秋涼卿比好否遣書指
不多及

賜安南國王嗣子李龍翰淳熙四年曆日勅書

淳熙三年

勅安南國王嗣子李龍翰齊王衡之政每欽授於人
時撫銅柱之封嘉恪尊於侯度茲預頒於正朔俾祇
迪於王春堅而拱北之心廣我暨南之教今賜卿淳
熙四年曆日一卷至可領也故茲示諭想宜之悉秋
涼卿比好否遣書指不多及

唐書卷之九十一
李龍翰傳
九十一
故安南國王李天祚上遣表及遺進方物賜其
子龍翰撫諭勅書

淳熙四年

勅安南國王李龍翰省廣南西路經畧安撫司繳奉
卿父所上遣表及遺進方物事春惟爾考久奠南交
方錫異恩進邦胙土奄聞諭謝良用盡傷卿肇襲世
封恪遵先志使紹及境遺物來庭克孝而忠不忘嘉
歡今令經畧安撫司回賜錢帛可領也故茲撫諭想
宜知悉春暄卿比好否遺書指多不及

賜李龍翰封安南國王制誥勅書四月

勅安南國王李龍翰朕稽若舊章誕揚新命大啓爾
宇嗣長乃師制綽甚華恩頒惟腆尚欽寵數益固封
隆今賜卿馬二匹金鍍銀作子鞍轡一副纓紱金紫
潤羅夾公服一領小綾寬汗衫一領勒帛一條熟白
線綾寬夾袴一腰紅羅軟繡夾三襜一條抱肚一條
二十五兩金花銀一百兩數鈔羅二面衣着雜色絹二
匣一具金花銀一百兩數鈔羅二面衣着雜色絹二
百尺至可領也故茲示諭想宜知悉春暄卿比好否
遺書指不多及

賜安南國王李龍翰淳熙五年曆日勅書

勅安南國王李龍翰朕仰稽天府度授民時遐念藩
維夙同正朔雖未興於副歲其預下於新書尚俾海
隅永陶王化

賜安南國王李龍翰淳熙六年曆日勅書八月

二十一日

朕參稽堯曆祇叙禹功正朔所頒邇遐靡間眷言藩
服世篤忠誠宜錫新書用興嗣歲尚體授時之意益
肩拱極之心

賜安南國王李龍翰淳熙七年曆日勅書二月

二十五日

朕欽崇天道恪授人時嘉與多方共興嗣歲春言南
服夙奉中朝是遵頒朔之文用懋守藩之績祇予德
意厚乃民生

賜占城嗣國王鄒亞娜進奉勅書淳熙三年三月

勅占城嗣國王鄒亞娜昨據提舉福建路市舶張堅
繳奏卿所遣進奉使副楊卜薩達麻翁卑頓等賫到
表章一通并貢象牙乳香沉香等事維乃海邦舊尊
國遠而慕服繼米不忘仍歲以來使航存至旅陳方
貢祇慶郊裡載念勤誠良深眷矚已降指揮將所貢
物以十分為率許留一分其餘依條例抽買給還價

錢外今回賜卿錦三十尺川生綾二十尺川生押羅
二十尺生擣蒲綾二十尺川生克絡二十尺雜色綾
一百五十尺雜色羅一百五十尺熟白擣蒲綾五十
尺江南絹五百尺銀一千兩至可領也故茲示諭想
宜知悉春暖卿比好否遣書指不多及

賜外任臣僚夏臘藥勅書

淳熙二年

賜皇子判明州魏王愷金合臘藥勅書金合重高
勅愷歲當窮臘時正返寒言念賢王方臨海服錫之
珍劉副以寶匱休我眷懷資而冲攝

賜前宰相福建路安撫使陳俊卿銀合臘藥勅
書銀合重一百兩

勅俊卿時屬隆冬氣凝寒律有懷舊相復鎮故鄉民
譽既照朕心所眷馳頌良劑勉嗇冲襟

賜前執政江南東路安撫使劉珙銀臘藥勅書
銀合重一百兩

勅劉珙卿坐司留簽行易歲陰春焉惟惺之臣履此
冰霜之候特頒飲劑往輔冲和

賜前執政荆湖北路安撫使楊俊銀合臘藥勅
書銀合重一百兩

勅楊侯卿位重節旄任龍藩閩屬嚴凝之履序想綏
撫以注懷寵以頒宣助莫服食

賜四川安撫制置使范成大銀合臘藥勅書銀
合重五十兩

勅成大卿負嚴徐之望鎮梁益之郊適臨栗烈之辰
遐念中和之政宜推珍錫用助寶調

賜侍衛馬軍都虞侯王明并御前都軍都統制
吳挺郭剛皇甫侗魯安仁郭鈞李川郭棣御前
諸軍副都統馮湛韓寶張榮張宣于友明椿銀
合臘藥勅書內吳挺用御合重五十兩餘用汝

勅王明汝內懷忠槩外昭屬寒律之方凝軫春
懷而良厚宜頒靈劑用助珍調

淳熙三年

賜皇子荆明州魏王愷金合夏藥勅書金合重一百兩

勅愷表海名邦近幾重地嘉予賢子久領藩符時屬
炎蒸諒勤綏撫徃放良劑尚休慈懷今差入內內侍
省內侍高品幹辦萬壽觀監通進司朱司政賚賜卿
金合夏藥至可領也故茲示諭想宜知悉

賜福建路安撫使陳俊卿合夏藥勅書

勅俊卿朕以炎熾在候扇暍存心言念相臣遠卿部

勅楊侯卿位重節旄任龍藩閩屬嚴凝之履序想綏
撫以注懷寵以頒宣助莫服食

賜四川安撫制置使范成大銀合臘藥勅書銀
合重五十兩

勅成大卿負嚴徐之望鎮梁益之郊適臨栗烈之辰
遐念中和之政宜推珍錫用助寶調

賜侍衛馬軍都虞侯王明并御前都軍都統制
吳挺郭剛皇甫侗魯安仁郭鈞李川郭棣御前
諸軍副都統馮湛韓寶張榮張宣于友明椿銀
合臘藥勅書內吳挺用御合重五十兩餘用汝
合重三十兩

勅王明汝內懷忠槩外摠戎昭屬寒律之方凝軫春
懷而良厚宜頒靈劑用助珍調

淳熙三年

賜皇子荆明州魏王愷金合夏藥勅書金合重
一百兩

勅愷表海名邦近幾重地嘉予賢子久領藩符時屬
炎蒸諒勤綏撫徃效良劑尚休慈懷今差入內內侍
省內侍高品幹辦萬壽觀監通進司朱司政賚賜卿
金合夏藥至可領也故茲示諭想宜知悉

賜福建路安撫使陳俊卿合夏藥勅書

勅俊卿朕以炎曦在候扇暍存心言念相臣遠卿部

唐文苑英華卷之九十一
特頒靈劑昭示至懷穆如清風尉彼黎庶今賜卿銀
合夏藥至可領也故茲示諭想宜知悉

賜江東路安撫使劉珙銀合夏藥勅書

勅劉珙卿以樞近之臣茂居留之績屬茲瘴暑念乃
勤勞特分尚藥之珍徃致衛生之助

賜湖北安撫使楊侏知鎮府沈復銀合夏藥勅

書

勅楊侏等同前止改居留二字作藩宣

賜權四川制置使范成大銀合夏藥勅書

勅成大卿名在西清寄深全蜀雖喜雪山之重豈忘

薰殿之涼實珍劑於上匱侈異思於中宸尚均此施
加惠彼民

賜侍衛馬軍都虞候王明并御前諸軍都統制

郭棣郭剛魯安仁皇甫侗學川郭鈞副統制韓

宝劉沂明椿于友馮湛張宣銀合夏藥勅書

勅王明郭棣等汝鷹時遴選摠師候屬炎敲思頌名
劑高推君賜普尉士心

賜吳挺銀合夏藥勅書

勅吳挺卿選繇世將往杆邊陲履九夏之炎蒸撫三
軍而勤艱馳盼芝檢遠致藥囊推子乃春之心勞爾

唐益文集 五堂表卷之一 十一
所臨之士今賜卿銀合夏藥至可領也其軍中夏藥
可依年例今近上統制官分賜仍傳宣撫問故茲示
諭想宜知悉

賜皇子判明州愷金合臘藥勅書

勅愷元宜紀律水雪方交言念賢王鎮臨海國分頒
良藥良以禦凝寒深體眷懷益加冲攝今差人內侍
黃門梁暉賫賜卿金合臘藥至可領也故茲示諭想
宜知悉冬寒卿比好否遣書指不多及

賜前宰相福建路安撫使陳俊卿金合臘藥勅書

勅俊卿臘寒律烈冬澤服堅吐故納新雖保冲和之
守順時致養亦資湯液之功實珍劑於寶奩寵輔臣
於師閭

前執政官知建康府江東安撫使劉珙知荆南
府湖北安撫使王炎並同前詞

賜敷文閣待制四川安撫制置使范成大銀合
臘藥勅書

勅成大嚴凝之氣始於西南遐念名臣方分閩寄馳
盼藥石用輔保頤尚體朕恩併蠲民瘼

賜前執政知鎮江府沈復銀合臘藥勅書 知

唐文苑英華卷之二十一
泉州姚憲知知泰平州楊倓並同詞內楊倓但
改名郡

勅沈復季冬之月天氣沍寒按錄桐君裁成珍劑眷
言名鎮方倚舊人特厚恩頒用資冲攝

賜吳拱臘藥勅書

勅吳拱言從行闕往戍別都風飈凜然征馭勞止隨
份藥右用輔節宣其廣朕恩以綏爾衆

賜御前諸軍統制吳挺郭剛李川皇甫侗郭棣
郭鈞魯安人御前諸軍副都統制韓宝明椿張
宣于友王式雄馮湛銀合臘藥勅書

勅吳挺等朕深居九重未嘗一念不在將士而况固
陰泮寒屯成勞止分放藥石以致予恩尚悉乃心撫
循所部

淳熙四年

賜皇子判明州魏王金谷臘藥勅書

勅愷冬陰合沓海氣茫洋乃眷親賢久勤牧御製爲
珍劑實以宝籙昭示茲懷徃資冲攝今差人內侍
省東頭供奉官幹辦景靈宮賈惟清賞賜云云

賜江南東路安撫使劉珙銀合臘藥勅書

勅劉珙卿風儀近弼久鎮陪都邦倚滋隆民誼載洽

周益公文集 卷之十一 十一
錫之珍劑禦此凝寒善加保順庸副傾矚

賜荆湖北路安撫使姚憲銀合臘藥勅書

勅姚憲卿藥石往言從閩會易鎮荆都冰霜凜冽之交川陸馳驅之久特頒輔冲和民瘼有瘳朕心乃擇

賜成都潼川府夔州和州路安撫制置使胡元

質銀合臘藥勅書

勅元質卿親彼選掄往勤收御巴峽凌寒之滌錦城席暖之時衆藥實隆九芝塗檢助爾保調之術昭吾眷倚之懷

賜侍衛馬軍行司武康軍節度使侍衛馬軍都

指揮使吳拱前諸軍都統制吳挺郭棣郭剛郭

鈞皇甫侗李川于友魯安仁御前諸軍副都統

制岳逮壽李思齊王世雄韓宝銀合臘藥勅書

勅吳拱等朕高居燠館深念轅門冒此嚴凝勤於閱

習宜頒珍劑用示眷懷推我惠心徧而部曲

賜知太平州楊倓福建路安撫使沈復銀合臘

藥勅書

勅楊倓沈復卿夙聯樞道外寄藩維屬此沍寒勤於

宣化分頒良劑昭示至懷民瘼有瘳朕心則懌

賜武經大夫榮州刺史差克池州駐劄御前諸

唐益公集 王堂卷之二
軍都統制明椿銀合夏臘藥勅書

勅明椿汝甫舊隆委移戍池陽屬此凜冬軫予眷想
實僭珍劑特致恩頌尚克欽承勉圖報稱

淳熙五年

賜皇子判明州魏王愷金夏藥

有勅眷我真儒為時名相茲屬官儀之進專魁柄
之特豈以牢辭而回定命

賜梁克家辭免除右丞相不允批答同前

有勅朕仰稽乾象俯酌樂言肇新輔弼之名對寵英
賢之拜母勤諭住趣欽承

淳熙二年

賜李彥穎辭免除參知政事不允仍斷來章九

月十二日

有勅經務神樞已彈碩畫贊謀鼎鉉更藉寵摹其視
訓言其專廉遜

賜王淮辭免除簽書樞院事不允仍斷來章批
答同前

有勅敷文緯國久湧惠泉耀武折衝倣資籌箸亟承
渙渥母執謙言

淳熙三年

賜士輅再辭免除少傅不允批答正月十日
有勅榮親施惠雖溥及於群公貴老敷宗獨序陞於
九棘欽予時命視乃批章

賜成都潼川府夔州路安撫制置使胡元質銀
合夏藥勅書

勅元質有赫炎威厥惟盛夏眷言全蜀煩我近臣珍
劑實匱往資冲攝欽承至意善撫遠民

賜知太平州楊佺銀合夏藥勅書

勅楊佺有赫炎蒸厥維盛夏言念樞庭之舊久分名
壤之麾特厚恩章往頒藥石尚欽予命益勉民庸

賜侍衛馬軍行司侍衛軍都指揮使吳挺并御
前諸軍都統制吳挺郭棣郭剛皇甫侗李川田
世卿于友御前諸軍副都統制韓宝王世雄明
椿岳建壽李恩齊銀合夏藥勅書

勅吳拱等朕身居高明心念將士時當炎律諒劇煩
蒸冥有頒宣用資保攝尚令部典咸識眷存令賜卿
汝等銀合夏藥并統制統領將佐官屬等並依年例
分賜仍傳宣撫問故茲示諭想宜知悉夏熱卿等各
下議論屋其坐人職孜孜有已利公之意告猷衮衮
皆竭成強王室之言故眷知隆於一見之初而登用

周益公集 王守恭和十一 一百一
決於再來之際允是大任子僉謀念成渙之遲何撫
謙之太過所辭宜不允仍斷來章

淳熙四年

賜魏王愷弟三表辭免荆南集慶軍節度使行
江稜尹加食邑食實封恩命不允批答仍斷來
章

省表具之父子主恩固由天性至於爵賞則有義焉
及吉日甲戌揚尹節之命于廣建公卿大夫翕然稱
允者以汝四明之政卓為東諸侯之冠也免章初上
嘗諭至懷于再于三斯亦過矣且汝不聞有唐親王
之制子或為都督刺史或領節度大使惟以屏翰王
室為忠不以懇避寵章為涼也亟其祗若毋過褒緡
所辭宜不允仍斷來章

賜端明殿學士朝散郎簽書樞密院事趙雄上
表再辭免除同知樞嘉勿勞賀也所請上表宜
免故茲獎諭想宜知悉

示諭除節鎮勅書布政榜附

示諭安德軍官吏軍民僧道耆壽勅書 淳熙三

三年二月

勅安德軍官吏軍民僧道耆壽等朕以伯圭擢秀天

支流徼邦族部符持囊既備着於多庸植纛逮牙宜
時開於巨屏以示展親之意以疑強幹之勲聞孚號
之央揚掠國邦之咸喜已除伯圭安德軍節度使云
云故茲示諭想宜知悉

示諭荆南官吏軍民僧道耆壽勅書 淳熙四年

四月

勅荆南官吏軍民僧道耆壽等以愷思隆帝子貴極
王封爰分近水之符入奉耳泉之計易將壇之舊組
加尹伯之新名乃眷荆郊表爲樂土聞親賢之遙鎮
諒民吏之均權

皇子愷布政榜附

皇子荆南集慶軍節度使行江陵尹

應荆南管內官吏僧道有姓等茲者述職明庭拜
恩宸宥更兩鎮節旄之寄視累朝師尹之儀戴寵
渥之便蕃省孱庸而堯惕雖虎符載剖尚臨東浙
之吏民然鷄尾遙瞻想見南荆之父老鴻惟上聖
卷是名藩常遴擇於官僚俾交修於職業維時文
武之房暨乃緇黃之流屯戍連榮耆虎居里各欽
承於休德母自蹈於非彝坐令文王好善之民馴
致堯帝可封之屋諸有尊屬並存問之

示諭保寧軍官吏軍民僧道耆壽等勅書淳熙五年十月
朕以史浩懇辭鼎路留侍經帷陞班聯於三少之中
領節制於九年之後諒樂郊之有衆聞舊德之載臨
罔不欣愉知吾眷顧

示諭寧武軍勅書六年正月十三日

勅寧武軍官吏軍民僧道耆壽等朕以魯觀蚤從代
邸久侍漢祠特升左棘之班改附西州之節瞻言樂
士實遠行都聞耆舊之遙臨想旌倪之昏悅

天申會慶節賜香并齋筵酒果口宣

乾道六年

賜皇子慶王恭王滿散 會慶節道場乳香內侍

侍麥啟

有勅良月載臨永年獻祝諒彼人天之衆符而忠孝
之心宜錫寶薰共成慶會

賜三省官滿散 會慶節道場乳香內侍徐爾

有勅眷時宰輔率乃官僚祝予壽祉之增灼見忠誠
之志宜均馥郁用助薰修

賜樞密院官滿散會慶節道場乳香內侍韓世榮

有勅千秋紀節萬壽祈年乃眷樞臣恪修佛供助爾
普薰之願力均予賸馥於於軍民

賜殿前司滿散 會慶節道場乳香 內侍何弼
有勅卿祗扈殿嚴肅提禁旅慶流虹之紀瑞節靈鷲
以輸忠宜寵賚於三薰助祝延於萬壽

賜馬軍司滿散 會慶節道場乳香

有勅卿職總羽林節逢飛電籲衆心於茲日祝萬壽
於我躬是錫竒芬共成勝事

賜步軍司滿散 會慶節道場乳香 內侍徐稱

有勅卿密摠衛兵欣臨誕序共輸臣節仰祝帝齡寶
馨特出於尚方妙果庶成於梵刹

乾道七年

賜皇太子滿散 天申節道場乳香 內侍何弼

有勅時當日永節紀天申喜我儲闈恭祈聖壽宜致
薰修之助恭成勝妙之緣

賜馬軍司滿散 天申節道場乳香 內侍楊祐

有勅天其申命用休載逢誕節臣能歸美以報共祝
修齡宜加錫於寶薰俾助成於勝事

賜步軍司滿散 天申節道場乳香 內侍韓世

有勅月臨仲夏節應千秋眷時宿衛之臣祝我聖神
之壽宜均用獎勩誠

淳熙二年

賜皇太子滿散 會慶節道場乳香內侍陸彥
有勅律正孟冬祥開誕序嘉乃前星之助祝我後天
之期往炷宝薰用光金地

賜三省官滿散 會慶節道場乳香 同前

有勅陽月屆期紀殊祥於虹渚柄臣率屬浚密儀於
驚峯有嘉萬壽之祈宜厚三薰之錫

賜樞密院官滿散 會慶節道場乳香

有勅眷乃樞臣慶予誕節申祝南山之壽備繡西笙
之書往續鑪煙助成法會

賜殿前司滿散 會慶節道場乳香並係內侍張思温

有勅嘉予環尹率乃偏裨因彌月之昌期伸永年之
善頌其頌名馥以助普薰

賜馬軍司滿散 會慶節道場乳香

有勅誕月發祥溥天獻祝嘉虎臣之歸美即鹿苑以
輔誠疑此異薰助其勝事

賜步軍司滿散 會慶節道場乳香內侍李琪

有勅延長之祝備罄於祗園戒定之香特盼於御府
庶吾禁旅同此福緣

淳熙四年

賜皇太子滿散 會慶節道場乳香內侍高思聰

有勅誕節將臨儲明載懌款三清之秘宇祝我修齡
賜百和之奇芬將予厚意冀成勝妙同介祺祥

賜三省官滿散 會慶節道場乳香 內侍李琪

有勅誕節屆期普天獻祝壽臣鄰之歸美叩僊佛之
新年馳錫名薰助成勝事

賜樞密院官滿散 會慶節道場乳香 內侍宋

有勅眷予樞輔欣際誕辰言趨簷蔔之林申祝松椿
之筭豈無錫予用助薰修

賜殿前司滿散 會慶節道場乳香 同前

有勅震威之辰華夷共慶眷言環戶請祝壽齡分海
國之清芬助精廬之勝會

賜馬軍司滿散 會慶節道場乳香 內侍何弼

有勅時逢誕節歡動轅門共伸萬壽之祈既歷三旬
之久宜頒馨烈用助勤誠

賜步軍司滿散 會慶節道場乳香 內侍李琪

有勅惟時良將志切愛君及此誕辰祈予壽祉宜分
宝炷共結勝緣

淳熙五年

賜皇太子滿散 天申節道場滿散 內侍何弼

有勅天申令且家國同歡眷元良預伸頌傳逮成勝

事宜助普薰

賜三省官滿散 天申節道場乳香內侍梁彬

有勅卿等欣逢誕慶諸祝永年大集宝坊具嚴勝會

宜推珍錫用續清芬

賜三省官赴齋筵酒果

有勅堯封祝壽已罄精誠周雅肆筵宜均多福欲資

樂愷更錫旨甘

賜樞密院官滿散 天申節道場乳香內侍陸彥端

有勅卿長我幾廷贊予孝治茲臨誕節請祝慈齡馳

錫竒芬助成淨供

賜樞密院官赴齋筵酒果同前

有勅卿等罄乃誠心祝吾親壽既成法會方啓燕觴

宜有分頒用昭眷寵

賜殿前司滿散 天申節道場乳香內侍高思聰

有勅月紀黹宵時逢誕慶有環尹祝我親齡宜錫鑪

薰共成法供

賜馬軍司滿散 天申節道場乳香內侍宋映

有勅若時將臣言率其旅共趨勝地仰祝慈齡錫以

宝薰助其忠悃

賜步軍司滿散 天申節道場乳香內侍李琪

周益公文集 王堂類稿卷十一
有勅炎曦方永誕節載臨乃眷虎臣祝吾親壽宜分
宝炷共結勝因

周益公文集一百十一卷

王堂類稿卷第十一

周益公文集一百十二卷

王堂類稿卷第十二

賜臣僚到闕茶藥口宣

宋廬陵周益公必大著

乾道六年

撫問端明殿學士新知信州洪到遵闕并賜銀

合茶藥

內侍韓世榮八月

有勅卿起臨近郡入奏便朝念遠涉於川塗盍分
於茗劑式宣恩指尚體卷私

撫問新知級興府蔣芾到闕并賜銀合茶藥內

侍韓世榮八月

唐益公文集 五堂表卷十一
有勅卿甫御祥琴即分師越趣修過闕之覲載念遵
塗之勞宜錫珍良用昭眷待

撫問恩平郡王璩到闕并賜銀合茶藥內侍王
公昌十月九日

有勅卿聞講儀請修覲禮適屬風霜之凜有懷涉履
之勞徃致恩頒用彰友愛

撫問新知平江府魏杞到闕并賜銀合茶藥內
侍符思永十二月三日

有勅朕眷懷舊相擢鎮近藩端驅將及於郊畿廷勞
特馳於使驛仍厚珍良之錫用資輔養之方

乾道七年

撫問賀金國生辰使副趙雄等到闕錫賜銀合
茶藥四月十四日

有勅卿等肅持使節遠聘鄰疆久驅北道之車善返
南轅之旆馳放茗劑昭示眷懷

撫問皇子魏王愷到闕并賜金合茶藥內侍詢
道五月

有勅鎮宣城千里之地魯未淹時奉德壽萬年之觴
爰初請覲念載驅於暑路特加錫於宝匱

撫問端明殿學士新知建康府洪遵到闕賜銀
合茶藥內侍陸彥端六月

周益公文集 五堂表稿十一
有勅卿就更留鑰祇覲宸廷念暑路之載驅軫春懷
而良厚宜加盼賚用輔保調

乾道八年

撫問賀金國正旦使副莫濠孫顯祖到闕并賜
銀合茶藥內侍韓世榮

有勅卿等咸膺遴選遠聘殊隣茲成以禮言歸家遵
途之良勩馳效茗劑徃勞驂駢

淳熙三年

撫問賜吳拱到闕銀合茶藥內侍李琪四月

有勅卿遠趨嚴召甫及近郊載惟冒涉之勞良軫春
懷之厚欲資冲畜爰有寵頒

撫問賀金國正旦使副謝廓然等到闕并賜銀
合茶藥內侍韓世榮

有勅春律既中陽和有倣言念皇華之使遠勤四牡
之歸思浣朔塵是推賜式

撫問賀金國生辰使副張宗元等到闕并賜銀
合茶藥內侍張思遇

有勅卿等自春涉夏由北而南有嘉跋履之覲不負
光華之遺宜加獎勞用表春知

淳熙五年

撫問賀金國正旦使副錢良臣等到闕并賜銀合茶藥內侍李琪二月十二日

有勅卿等肅物朝命遠聘朔庭茲訖事以言歸想遵塗之良勸近加寵勞仍有分頒

撫問吳挺到闕并賜銀合茶藥內侍高思聰六月二十日

有勅卿遠祗嚴召入覲行都當盛夏之炎蒸念修塗之勞勸迎加勞問昭示眷存

淳熙六年

撫問思平郡王劇到闕并賜銀合茶藥內侍宋暎八月八日

有勅卿侍祠重屋利涉濤江喜聞一節之趨將遂三年之見迎頒茗劑助保冲和

淳熙七年

撫問新知名州范成大到闕并賜銀合茶藥內侍李琪三月四日

有勅朕緬懷舊德起表東藩喜舟御之遙征即都門而廷勞仍加頒賚用示眷存

賜臣僚告口宣

乾道六年

賜皇子愷郊祀大禮畢加食邑食實封告

唐益公文集 五堂表卷十一
有勅甘泉苾祀既氏禮成宣室均釐當錄近始祇服
綸言之寵益勤子職之修

賜皇弟瓊郊禮加恩告

有勅並况之休徧于中外益封之寵及我親賢其祇
服於命書以永綏於帝祉

賜皇兄廣郊禮加恩告

有勅朕拜况熙壇均釐近族厚甚土田之錫粲然綸
綍之華式克欽承力圖報稱

賜鄭藻郊禮加恩告

有勅朕拜况觚壇推恩戚畹歸示均釐之意亦疇執
事之庸祇服寵光永綏戩穀

賜劉懋郊禮恩告

有勅眷言妃族久即里居茲因效賚之行加厚邑祖
之賜其膺寵渥益介壽祺

賜成閔郊禮加恩告

有勅朕受釐穹壤均福邇避眷言分間之臣阻預侍
祠之列特加邑賦徃服命書

賜蒲察久安郊禮加恩告

有勅禮神頌祇甫竣元祀加地進律用賁多庸孚號
有光承恩無斁

賜李顯忠主管侍衛馬軍司公事告十一月
有勅卿早蘊竒謀令為宿將總天營之萬騎衛禁陛
之重服我綸言勉而忠聚

乾道七年

賜虞文慶壽加尊號轉官告

有勅榮名盛禮既並奉於尊親高爵崇陞宜特加於
輔相其祇綸命以對邦休

賜李顯忠特復太尉告六月

有勅乃眷虎臣素推忠槩茲還鵠印增壯戎容其祇
服命書以勉圖於報禮

賜王倓除樞使依舊四川宣撫使告

有勅朕眷懷元老擢冠本兵雖遙惟渥之咨實厚脂
肱之體欽承恩詔益勉忠圖

淳熙二年

賜史浩遇太上皇帝慶七十加食邑食實封告

有勅禮成東內慶浹多方眷惟舊德之良錫以新恩
之厚往祇詔綽茂對王體

賜鄭藻慶壽加恩告

有勅稱壽親庭推恩戚畹特啓封於樂國仍衍食於
腴田往錫制亟庸切邦慶

唐益公文集 王堂表稿十一
賜曾覲慶壽加恩告

有勅卿感會風雲參聯衮繡值萬年之慶禮廣多戶之腴田欽帥訓辭肅承恩渥

賜楊俊慶壽加恩告

有勅卿入陪樞省出殿帥垣邦有榮懷恩加采邑往祇承於予命思奮勵於乃猷

賜吳拱慶壽加恩告

有勅朕輯古禮文慶壽親嘏眷秉旄之宿將方祇覲於昕朝迎授詔亟欽承邦漢

賜皇弟居慶壽加恩告

有勅朕奉冊室之華慶庭闈之壽宜推邦渙用侈宗盟往其肅承體我敦睦

賜列懋慶加恩告

有勅朕肇舉慶儀溥施惠澤眷言耆舊久適燕間申加邑戶之多亟服絲綸之寵

賜趙伯圭除節度使告 二月

有勅卿蔚以宗英孚于衆望俾遙臨於節鎮庸夾輔於京師欽帥訓辭益圖報禮

賜趙伯圭除開封儀同三司告 九月

有勅恩昇碧憶夙隆異數均黃閣益峻徽章往承錫

命之優思稱展親之厚

淳熙三年

賜吳挺除侍衛馬軍都指揮使告十月十四日
有勅卿勇冠三軍勲高再世擢提騎旅增壯戎容往
服訓言益圓報稱

賜曾覲郊禮加恩告

有勅朕竭誠恭祀拜况高窮眷代卹之耆英陪漢壇
之陟格式頌綸命往服恩腹

賜皇子魏王愷除荆南集慶軍節度使行江陵

尹告淳熙四年四月五日

有勅尹正之權國朝所重欲增華於節鉞肆加寵於
親賢往祇綸綍之言益壯藩維之勢

淳熙五年

賜王友直除殿前都指揮使告二月十八日

有勅卿久貳殿巖備宣乃力茲頌綸命益正其名祇
服恩徽勉圖忠報

賜皇子魏王愷除永興成得軍節度使雍州牧

告閏六月十三日

有勅疇庸勤水逮牧咸陽仍更齋鉞之雄用作藩符
之寵欽承綸命益聳民瞻

賜吳挺除利州西路安撫使兼知興州告

有勅卿載馳十乘入覲九重適分置於帥藩遂就頒於綸命欽承異寵往奮顯庸

賜史浩王牒所進書加恩告十月二十三日

有勅總率諸儒裁成鉅典肆衍爰田之賦用增台路之華茲錫明綸尚欽異數

賜史浩除少傅告十一月十四日

有勅避寵釣衡高風可尚兼官得相明制斯頒其即欽承以符眷注

淳熙六年

賜曾覲授少保告正月十日

有勅卿為時耆俊荷國寵榮越升孤保之崇併易將旌之重其承綸命以副朕心

賜王雄秘書省進書加恩告八月十一日

有勅書成冊府階進樞庭酬典領之舊勞示弼諧之厚禮其承綸命以闡儒猷

賜臣僚批答口宣

乾道六年

賜右僕射虞允文辭免勅局進書轉官加恩不

允批答十一月三十日

周益公文集 王學卷之三 頁八
有勅明刑弼教既覓成書重賞眡功宜加峻秩奚爲
固避往即欽承

賜皇子慶王愷辭免郊禮加恩不允批答十二
月十二日

有勅比均常祉首及嗣賢亦既告廷豈容反汗其趣
承於漢命母金刻於遜章

賜再上表辭免不允仍斷來章批答十三日

有勅祭受其福方與衆同爵爲其賢豈容獨避函祇
申命母費宰辭

賜皇兄居廣再辭免郊禮加恩不允仍斷來章

批答十二月十六日

有勅朕誕敷祭澤加惠宗盟亦既告廷豈容及汗亟
祇成命用對殊休

賜邦藻再辭免郊禮加恩不允仍斷來章批答

十二月二十日

有勅祭而受祉既欲及人臣也有勞又當與邑力辭
爲過祇受乃宜

賜士銖再辭免郊禮加恩不允仍斷來章批答

十二月二十一日

有勅合周宗族以展精禋錫魯士田是均霈澤亟祇

朕命母執而謙

賜李顯忠再辭免郊禮加恩不允仍斷來章批

答十二月二十二日

有勅親祠甫畢慶澤下延載疇扈衛之勞特厚褒嘉之寵母留朕命益懋爾忠

賜劉懋再辭免郊禮加恩不允仍斷來章批答

十二月二十九日

有勅靈承天地陟配祖宗成一代之上儀涉萬方而大賚有如懿戚寧許終辭

乾道七年

賜虞允文辭免慶壽加尊號轉官進封不允批

答正月二十四日

有勅卿為時真宰相我盛容時加不次之恩用表非常之慶亟承三接何事再辭

賜梁克家辭免慶壽加尊號轉官不允批答前同

有勅卿學貫古今識周事物助我寧親之志成茲希世之儀母執經常亟膺寵秩

賜皇子慶王愷辭免進封魏王不允批答二月

十一日

有勅夙勤予道久奉玉藩舉進律之褒章資維城之

實郊亟宜祇受勿事固辭

賜皇太子辭免立儲不允仍斷來章批答同前
有勅賢德修乎時敏英姿見乎夙成乃協龜猶碑開
鶴禁已誕揚於漢命母荐貢於謙辭

賜皇子慶王愷免進封魏王不允仍斷來章批
答二月十二日

有勅宛陵大藩江左重地賁加節封之寵為部符分
土之光宜念宗強母留朕命

賜皇太子辭免領臨安尹不允批答四月二十九日
有勅養德東宮既茂揚於多譽牧民南府宜就正於

郡方成命已行謙辭可略

乾道八年

賜虞允文再辭免除左丞相不允批答二月十四日

加兩牧事體稍重則欲用成德軍斂兩西川節度使
却帶真定尹兼成都尹加命邑食實封乃是移大鎮

加兩尹頗為適中且合舊制竊恐夜深有妨取
文若多宜鎮名即恐有不合帶尹牧去處別致差互

輒敢冒昧奏聞如或未安伏聽處分閏六月十日奉
御批只於兩鎮上就本鎮止帶一牧

十二日三更後入此奏五更初準御批只於兩鎮

上就本鎮止帶一牧頗為得中至十五日御藥只回
傳 旨取元批進入十六日刮去頗為中四字吳回
復傳 旨降下王牒所進三祖下第六世源類譜并
仁宗十年王牒提舉官少保右丞相史浩加食邑食
實封制十月二十三日
門下繫麟趾於周南賴姬公之協贊首倚那於商頌
資考甫之多聞有華公族之振振不顯湯孫之穆穆
惟時元老實企前良茲洎吉以奏篇爰演綸而亶衆
少保右丞

賜龔茂良再辭免進書轉官不允仍斷來章批

答三月十九日

有勅紀中興之盛列既上奏篇旌太史之多庸肆加
懋賞丞其祇受勿事謙辭

賜李彥穎再辭免進書轉官不允仍斷來章批

答同前

有勅史觀成書講一時之盛典輔臣相禮進二等之
崇階成命已行周辭奚益

賜吳拱再辭免除右金吾衛上將軍不允仍斷

來章批答四月十二日

有勅外臨方鎮內扈禁嚴非吾世臣不 茲選疊下

汝諧之詔亟思朕命之承

賜王淮再辭免除同知樞密院事不允斷來章
批答八月六日

有勅樞庭置貳兵政所關乃眷舊勞是加新渥已諒
執謙之志亟思承命之恭

賜趙雄再辭免除端明殿學士簽書樞密院事
不允仍斷來章批答八月六日

有勅圖任輔臣異乎列職選永碩望協乃師言既成
命之已行豈中懷之可徇

淳熙四年

賜皇子魏王愷辭免除荆南集慶軍節度使行
江陵尹不允仍斷來章批答四月五日

有勅雙節之頒亶為異數三辭之禮備見勞謙蓋圖
共理之良馬避惟行之令

賜趙雄再辭免除同知樞密院事不允仍斷來
章批答十一月七日

有勅卿獨贊兵謀備宣忠槩爰稽於人望俾進貳
於樞庭出命莫同執謙母過

淳熙五年

賜王友直再辭免除殿前都指揮使不允仍斷

來章批答二月六日

有勅卿自與衛兵備宣患力茲正使名之重以褒將略之長詔諭甚勤謙母執

賜錢良臣再辭免除端明殿學士簽書樞密院事不允仍斷來章批答二月二十六日

有勅樞庭之重兵政所關用人蓋協於僉言錫命也孚於衆聽豈控避往即欽承

賜史浩再辭免除少傅不允批答三月十七日

有勅疇庸念舊貴老尊賢兼四者以申榮集群工而誕告豈容固避往即欽承

賜錢良臣再辭免除參知政事不允仍斷來章批答十一月十八日

有勅朕簡永俊傑協贊機衡胡為遜避之堅未諒眷之厚已批儒牘亟服渙恩

有勅卿三踰歲筦四轉樞庭惟恩禮之加隆表眷之知方厚亟祗成渙母守常謙

賜趙雄再辭免除右丞相不允仍斷來章批答同前

有勅國莫難於置相人方慶於得賢守一謙至勤屢遜其視諄諄之命亟符赫赫之瞻

淳熙六年

賜曾覲除少保辭免不允批答正月十三日

有勅朕念舊興惟新錫命進孤班之峻秩意將聞之高牙已諭至恩母煩多避

賜曾覲再辭不允仍斷來章批答

有勅秩加三少榮易十連雖申優異之恩不廢燕間之樂於義爲允固辭謂何

賜趙雄辭免勅今所進書轉官不允仍斷來章

批答七月十六日

有勅卿經邦道廣制法才高茲具覽於書宜首膺

於醲賞曾是一階之進豈勞三命之恭

賜王淮再辭免進會要轉官不允批答八月七日

有勅正隨時舉事以類從嘉儒林載筆之勤知樞輔提綱之舊進階示寵承命是宜

宣召學士口宣

宣召翰林學士王暉入院供職乾道七年四月

有勅卿學經表業文繹皇猷存更二制之華獨負一時之望召從東省還寘北門懋膺真拜之榮思稱人虛之選今差成中郎充翰林書待詔錢茲就第召卿入院充學士想宜知悉

賜筵宴口宣

尚書省賜宰執下喜雪御筵口宣

乾道六年十一月一日

有勅隆寒在候瑞雪應時眷嗣歲之將
喜豐年之
有望宜同宴樂以洽歡娛

同前淳熙二年內侍李思溫

有勅六出飛空三登兆瑞陳多儀於高欽掩高會於
梁園式厚燕胥固宜樂只

同前淳熙三年十二月十七日內侍吳回

有勅上天同雲平地大雪既彰和氣亦非豐年宜於
此事之堂錫以惠茲之宴

同前淳熙四年內侍續康伯

有勅元冬凜冽密雪霏霏古稱五穀今告三登之瑞
趣頒宴欽共洽歡康

貢院賜進士聞喜宴口宣淳熙五年八月五日

有勅唱名春殿樂得英髦設醴貢闈備昭慈惠惟榮
遇其各欽承今差入內內侍省東頭供奉官韓世榮
賜聞喜宴想宜知悉

同治六年集 卷之六 貢院賜進士聞喜宴口宣

周益公文集一百十二卷

王堂類稿卷第十二

周益公文集一百十三卷

王堂類稿卷第十三

宋廬陵周益公必大著

金國賀正旦使副口宣

乾道七年

赴闕矧昭軍傳宣撫問賜御筵

有勅卿等肅持瑞節來會春朝念馳傳之良覲命及疆而加勞錫之宴俎體我眷茲

鎮江府賜錫銀合並係內侍何弼

有勅卿等謹於將命慶此發春既衝霰雪之寒復涉風濤之險豈無錫予用助保順

鎮江府賜御筵

有勅方歲更端寶鄰修聘眷馳驅於遠道甫冒涉於
長江宜錫宴觴

平江府御筵 內侍王裕

有勅三陽交泰四牡通歡乃眷輔藩有華候館載錫
壺錫之樂少休輶傳之勞

赤岸賜酒果 內侍蔣侁

有勅卿等遠修鄰好來慶王眷事道路以良勤望闕
庭而甚邇其芳旨以勞皇華

赤岸賜御筵 內侍徐永叔

有勅卿等聯華擁節奉幣朝春念又涉於修塗命少
休於近館時頒宴飲深眷稔

賜使副春幡勝

有勅歲律將新春陽先至言念光華之使馳分鏤刻
之工體我眷懷應茲嘉節

賜三節人從春幡勝

有勅汝等並從言使來慶春朝望北闕以有期值東
風之應律分頒在首悅懌承恩

賜接伴使副春幡勝

有勅卿祇承期命遠近使華因巧曆之回春自尚方

而馳賜往應賞飾共樂芳時

到闕賜生餼內侍符恩永

有勅卿等來慶王春甫安賓館匪厚餼牽之錫曷酬
軋傳之勞其躰眷懷以承恩渥

到闕賜被褥鈔羅等內侍李回

有勅卿遠慶新元甫安館維衾祠之加厚且器用之
甚華併示匪頒欽承殊渥

歲除賜內中酒果內侍李回

有勅卿等言特使節甫達聘儀出醪核於嚴宸循壺
觴於除夕茲惟寵錫尚體醲恩

正月一日入賀畢歸驛賜御筵內侍李月卿

有勅芳眷肇序華使來賓既奉幣以退朝宜歸筵而
在館體茲宸渥醕乃燕觴

入賀畢歸驛賜酒果內侍董璉

有勅展儀改歲復從合館之安加禮待賓載厚果醪
之賜式昭眷遇祇服寵頌

正月三日賜內酒果內侍麥啟

有勅使華之美已慶發春臺饋之豐無虛日出珍嘉
於御府助燕樂於芳時

正月四日玉津園射弓賜箭例物內侍陸頴卿

有勅淑氣回春皇華成禮命宥開於禁禦俾申講於射儀宜有匪頒用將厚意

玉津園躬弓賜御筵 內侍韓世榮

有勅卿等恪修鄰好祇慶春元爰陳命射之儀就啓娛賓之宴任膺異數用洽多歡

玉津園射弓賜酒果 內侍鄧桂

有勅歲華有俶春色始和少紓行李之勞載展穿楊之藝時加珎錫徃侑宴觴

正月六日朝辭歸驛賜酒果 內侍李顯

有勅卿等告行闕下治住驛中惟鄰好之克修申眷懷而未已錫之芳旨服我龍光

朝辭歸驛賜御筵

有勅卿等謹於將舍慶此履端念返旆之有期想騰裝之良勩宜頒燕集式示寵私

密賜使副大銀器 內侍王公昌

有勅卿等來會春朝少休謁舍宜厚中金之錫以增行囊之光尚克欽承式符眷賚

回程賜龍鳳茶并金鍍銀合 內侍霍汝弼

有勅春入東郊既講會朝之禮貢分北苑用爲返旆之光雖舉賜常實昭眷寵

唐益公文集 三堂奏稿 三
回程赤岸賜御筵內侍朱思正

有勅卿等已祝春祺式族使望征帆之未遠開宴席
以少畱母錫滿觴載先行色

回程赤岸賜酒果內侍李唐弼

有勅卿等禮成獻歲道次郵亭念涉履之方勤軫眷
懷而良厚既陳宴飲仍錫旨嘉

回程平江府賜御筵內侍蘇駿

有勅卿等奉幣朝春回車涉遠念餘寒之尚力次近
輔以少畱載示惠慈厚頒橐飶

回程鎮江府賜御筵內侍徐偁

有勅卿等比緣歲旦來講鄰歡茲近旆於析津暫亭
驂於京口宴觴甚寵恩渥其承

回程盱眙軍賜御筵內侍譚何

有勅卿等已慶王春式族使節念載馳於遠道禽少
駐於邊城無惜屬壓塵以承飶賜

乾道八年

正月三日賜內中酒果內侍梁琳

有勅乃眷使華務隆恩意輟甘芳於初春維是寵頒
徃其欽受

正月四日玉津園躬弓賜弓箭例物內侍朱思

有勅春色初和射儀載肅式旌使範是來賜常顧錫
禽之有隆尚拜嘉而無斁

玉津園射弓賜御筵內侍王公昌

有勅方篤鄰觀載優賓禮綵勝宜春之日彤弓展射
之時宜厚宴胥併資藥只

玉津園射弓賜酒果內侍麥敞

有勅氣淑春郊禮成射圃豔香醪於玉竿繁芳實於
瑊盤匪我嘉賓孰昭殊遇

正月六日朝辭訖歸賜御筵內侍符思永

有勅卿等展儀獻歲授館浹旬甫陳告之言載厚將
歸之禮茲惟示惠可以忘勞

朝辭訖歸驛賜酒果內侍鄧珪

有勅卿等既陪元會甫告行期百壺良潔之英多品
其磬之實併申優遇當體至懷

密賜使副大銀器內侍譚何

有勅卿等已慶端辰甫辭庶陞欲佐歸裝之用是攸
珍斁之華眷侍有加欽承無斁

回程賜龍鳳茶并金鍍銀合內侍黎吳祖正月八日

有勅卿等飛蓋東風茲焉引道分珍北苑于以示恩
無忘拜賜之恭庸體睦隣之意

回程赤岸賜酒果內侍何弼

有勅卿等旋車云邁置錢有常出珍賜於宸廷循宴
歡於郊館推予恩渥寵乃賜華

回程赤岸賜御筵內侍黃述

有勅卿等既成聘好方即歸塗宜少駐於郊關俾載
伸於燕餞式將厚遇聊尉遐征

回程平江府賜御筵內侍徐永叔

有勅卿等夙駕歸艤少休會府特舉肆筵之禮冀忘
握節之勞益洽恩私用紓行役

回程鎮江府賜御筵內侍徐偁

有勅卿等還轅易水弭蓋京江雖並驚於歸心尚曲
留於別宴勿辭酣飲庸對芳辰

回程盱眙軍賜御筵內侍董璉

有勅卿等並修使事還賜邊亭尚當春候之融和
忘征塗之勤勩少留祖席尚休眷懷

淳熙三年

赴闕盱眙軍傳宣撫問賜御筵

有勅卿等恪修鄰好來會春元宜賜宴於邊城用增
華於使驛毋辭劇飲庶體濃恩

賜使副春幡勝

唐益公文集 五堂題辭三
有勅使來北道春兆東郊允懷將命之勤爰有應時
之錫載茲嘉惠浣乃征塵

賜三節人從春懽勝

有勅卿等受命中朝迓賓北道當迎春之令且頒挿
道之多儀敬体朕懷增光使事

赴闕鎮江府賜銀合茶藥

有勅卿等肅將使指來觀春朝念寒色之嚴凝布恩
言而存撫仍頒飲劑用助保調

鎮江府賜御筵 並係內侍謝安民

有勅王曆開端宝鄰修聘念衝寒而利涉爰錫燕以
示慈徃休眷懷勿辭飲醕

平江府賜御筵 內侍梁琳

有勅卿等適當冬凜來慶春元念使事之良勤即甫
藩而少駐特頒宴惠尚体眷私

赤岸賜御筵 內侍張思温

有勅歲事一新鄰歡載睦嘉使禮之近止秩賓燕以
樂胥適属隆寒固宜霑醉

赤岸賜酒果 內侍王敷礼

有勅卿等遠慶新春甫臨近駟錫上尊之酉旨豐庶
品之珍其茂對恩華增光使節

十二月二十八日賜生餼內侍韓世榮

有勅卿等祇講歲儀夙行賓禮停驂在館浸休涉履之勞維餼及牽往示眷懷之厚

歲除賜內中酒果內侍賈惟清

有勅卿等來慶春朝適臨除夕賜以芳樽之旨侑之苑實之多併寵使華尚欽恩遇

正月一日入賀畢歸駟賜御筵內侍李唐卿

有勅卿等將舍北鄰展儀上日爰即驛亭之遂就頒燕豆之華庸示寵光尚均愷樂

入賀畢歸驛賜酒果內侍朱思正

有勅元會告成賓客甚肅爰賜燕觴之助用資鷄旦之勸維是旨嘉式

正月三日賜內中酒果內侍王敦禮

有勅卿等已慶春朝少安館次特宮庭之賜併為觴俎之華茂對恩私益光使指

王津園射弓弓箭例物內侍吳因

有勅熙春日永禁禦風載講射儀備觀使範爰厚頒宣之寵用昭眷獎之恩

王津園射弓賜御筵內侍陸彥端

有勅交勸鄰壤已肅賓儀觀德春郊更優射藝宜特

唐詩文集 王守志集卷之三
王守志 沈生堂卷之五
頌於燕飲尚深休於眷私

王津園射弓賜酒果內侍張詠

有勅卿等遠慶春元載陳燕射尊賓既多之醞盤盈
孔庶之珍眷待有力欽承無斁

淳熙四年

赴闕平江府賜御筵內侍梁襄

有勅卿等遠冒臘寒趨歲節即中吳之會府陳列俎
之多儀既勞使華仍昭眷禮

十二月二十四日赤岸賜御筵內侍張溫

有勅歲律將新使禮並鶯雖慶賀之未展在馳驅而
甚勞爰即郊閑就頒燕飲

赤岸賜酒果內侍謝安民

有勅歲功默運俶慶新春鄰使遠來益修舊好迎頒
醪核寵勞駉駉

十二月二十五日到閑就驛賜欵褥鈔羅內侍吳椿年

有勅歲芽冒茲冬凜會我春朝既從舍館之安宜燕
私之用睦鄰厚矣稽首承之

十二月二十八日賜使副春幡勝內侍李琪

有勅土牛鞭春使壯在館綵勝金幡之巧珍羞名醞
之豐示我渥恩對茲嘉節每人渾金大春幡一副五
事件背羅大春幡勝一副

唐益公文集 五堂卷第一
饅頭紙帖落春盤每人肉七斤生鷄子各十五箇軟餅五十箇菜四斤法酒四瓶饅餅三十箇

賜三節人從春悵勝

有勅汝等夙對天墀適逢春日欲示眷懷之渥宜頒
鏤刻之工

賜生餼內侍何弼

有勅卿等已達聘儀少安謁舍爰舉餼牽之禮用酬
跋涉之勞式示春懷尚欽餼賜

歲除賜內中酒果內侍賈惟清

有勅眷言嘉客遠慶元正酒分金殿之醇果富瑯盤
之品用資守歲以俟發春

正月一日入賀畢歸驛賜酒果內侍王楫

有勅元會告成嘉賓就憇欲加隆於思意爰就錫於
甘芳勿謂常頒尚思祗服

入賀畢歸驛賜御筵內侍梁琳

有勅獻犖宸廷已講發眷迓禮飛觴驛舍足資卜盡
之歡式燕嘉賓往欽厚意

正月三日賜內中酒果內侍徐秀叔

有勅芳春意淑素月魄生嘉使介之成儀駐驛亭而
俟燕載頒醪核昭示眷私

正月四日王津園射弓賜御筵內侍高思聰

唐益公文集 五堂卷第一 三

有勅卿等祇慶春元益修鄰好嘉乃朝儀之肅復茲射藝之精宜舍肆筵用酬中的

玉津園射弓賜酒果 內侍朱思正

有勅弧矢之威古今所重是將觀德非獨娛賓方展藝於春郊宜助歡於禮飲

淳熙五年

赴闕昭軍傳宣問 御筵 內侍李唐卿

有勅卿等遠冒臘寒來趨歲節念初臨於邊郡宜加勞於征軒肇錫燕觴欵承春禮

赴闕鎮江府賜御筵 內侍徐秀叔

有勅歲律將新使華遠暨涉風濤之險又衝雪之寒宜啓燕觴少休征擢

鎮江府賜銀合茶藥

有勅四序更端兩邦結好乃眷皇華之使方臨鐵甕之城賜以珍良助其服食

平江府賜御筵

有勅芳春將屆膚使遠來久衝朔漠之寒少憇姑蘇之就頒宴飲昭示慈懷

赤岸賜酒果 內侍藍師古

有勅卿等抗旌賀歲飛擢及郊載稽勞間之儀特厚

嘉之錫式昭予眷諒尉爾心

赤岸賜御筵 內侍李琪

有勅卿等並涉修塗來趨新歲儀舩舩於近岸飛球
畢於華筵庸示湛恩用光聘使

到闕賜被褥鈔羅 內侍鄧椿年

有勅卿等遠趨歲旦初憇驛亭首加錫賚之豐兼適
寢興之用將予厚意俾爾如歸

十二月二十八日賜生餼 內侍何弼

有勅卿等修好室鄰展儀春殿方旅陳於書幣宜加
錫於餼牽式示寵私尚其祇服

歲除賜內中酒果 內侍宋渙

有勅卿等特節造朝停驂在館將展發春之慶有懷
守歲之歡錫以旨嘉資其燕飲

正月一日入賀畢歸驛賜御筵 內侍陸彥端

有勅卿等華伊始賓禮具成即其舍館之安錫以壺
觴之樂勿辭屢飫用迪春存

入賀畢歸驛賜酒果 內侍王楫

有勅卿等遠持端節來會春朝既辰慶於天庭方留
裝於上館趣頒醪核徃佐豆觴

正月三日賜內中酒果 內侍朱思正

有勅卿等遠慶元深嘉使範推禁中之甘旨旨為館
下之光華惟是寵頒昭吾殊勝

玉津園射弓箭賜例物 內侍謝安民

有勅春和凝簋郊射穿楊觀賓禮之甚修知憐惟之
滋輯宜加錫賚用示春私

玉津園射弓賜酒果 內侍賈惟清

有勅玉津開端室鄰維好春娛賓之厚禮有觀德之
多儀愛錫甘芳用酌審固

玉津園射弓賜御筵 內侍高思聰

有勅肇易歲華遠近隣聘已講壽觴之禮載觀射藝
之儀將寵特申宴惠

正月六日朝辭訖歸駟賜酒果

有勅卿等夙慶春華適遠黼坐厚乃旨嘉之錫燕其
稱之勞當体至懷聿承嘉惠

朝辭訖歸駟賜御筵 內侍李琪

有勅卿等獻歲成儀授書復念歸裝之束是宜燕席
之開咸体異恩母辭霑醉

密賜使副大銀器 內侍何弼

有勅卿等聯駕聘昭恪趨元會器厚滋山之錫禮優
身命之勤尚体恩華益光賓範

回程賜龍鳳茶并金鍍銀合內侍黃敵
有勅卿等具成慶禮已告行期分北苑之清風醒春
郊之歸夢華邦錫用獎賓儀

初九日赤岸御筵賜館伴使副春幡勝內侍董支聞

有勅卿等膺被朝綸應酬使客惟芳春之令序有節
物之常儀茲謂寵頒勿忘祇戴

分賜全國使副春幡勝同前

有勅卿等既竣事已驚歸舟春言效錢之時適契鞭
春之日寵頒節物昭示恩華

賜三節人從春幡勝同前

有勅汝等來慶元正歸逢令序是頒節物以對春光

回程赤岸賜酒果內侍董友聞

有勅卿等已慶方春式遄歸旆眷少留於近岸盍扣
厚於常頒惟是渥恩尚其祇服

回程赤岸賜御筵內侍何弼

有勅卿等言趨歲節嘉修好之有常于邁春郊念遵
逾之未遠宜開寵餞用賞歸裝

回程平江府賜御筵內侍李昇
有勅奉弊王春已締兩朝之好飛觴近式華四牡之
歸祇服春私勿辭飲酌

回程鎮江府賜御筵內侍謝憲

有勅卿等祇慶歲端滿歸朔寒歷江城而少駐屬春
律之余寒大啓燕觴丕照眷寵

回程盱眙軍賜御筵內侍梁襄

有勅卿等稱觴歲且旋旆朔廷將利涉於長淮愛示
慈於華燕茲維寵餞以責征鞭

淳熙六年

正月六日朝辭訖歸驛賜酒果內侍賈惟清

有勅卿等春元成禮謁舍騰裝錫以香醪貳之嘉實
既示寵綏之意仍茲宴飲之歡

朝辭訖歸驛賜御筵內侍李琪

有勅卿等謁辭春殿歸憇驛亭恩加恩於賓儀爰就
開於宴席尚欽慈惠益洽歡娛

回程赤岸賜御筵內侍何弼

有勅卿等已慶元式端歸旆欲示使華之寵載伸郊
錢之儀方屬餘寒勿辭霑醉

回程鎮江府賜御筵內侍梁彬

有勅春風應律揚暉旆以載塗北固留賓秩華筵而
示惠尚欽春渥益洽歡娛

全國賀會慶節生辰使副口宣

乾道六年

玉津園射弓賜弓箭例物內侍王裕

有勅卿等遠奉使華未修誕慶動采頻之樂節講上
苑之射儀特賜殄良少酬審固

十月二十三日玉津園射弓賜酒果內侍徐俛

有勅卿等甫展慶儀言游靈園彤弓盧矢庸觀德於
射侯嘉核芳醪併示慈於宴席

玉津園賜射弓御筵內侍韓世榮

有勅卿等稱慶宸廷展儀射圃稽固雅序賓之義合
魯人揚解之言宜侷加籩式旌

密賜使副大銀器內侍黃述正使一千兩副使五百兩

有勅卿等遠奉使華恪修慶禮誠郊嵩呼之祝噐頒
山溢之殄宜即欽承用符春遇

回程賜龍鳳茶并金鍍銀合內侍霍汝弼節朝美

有勅卿等已奉壽觴式遄旆爰分攷貢茗庸少浣
於征塵其体至懷以承嘉錫

朝歸訖辭駟賜御筵內侍麥啟

有勅卿等已慶電樞方魏象違春皇奉之在館舍高
會以飛觴茲謂醴息勿辭露醉

又賜歸駟酒果內侍王公昌

有勅卿等備成慶礼甫上謁辭出醪核於禁廷侑楹
盤於館燕徃承嘉惠共体湛恩

回程賜使副冬至節絹內侍朱思正使副各五
十尺

有勅卿等北綠誕序遠穆賓華前驅已戒於北歸中
道適逢於南至爰分厚弊用侈多儀

回程賜三節人從冬至節絹上節絹各八尺內
勅管二人各十二
尺中節各五尺下節各三尺

膺

有勅汝等吉從慶使並驚歸塗值來復之新後舉匪
頌之故事各膺厚賜尚躰隆恩

回程赤岸賜酒果內侍李顯

有勅卿等稱觴壽且返旆霜冬念甫事於遐征俾少
休於近駟載放芳旨加厚春私

回程赤岸賜御筵內侍蔣忱

有勅卿等來慶誕辰備成使事方旋車於遠道姑弭
節於近郊載厚眷懷特伸燕餞

回程平江府賜御筵內侍李唐弼

有勅卿等修慶誕期趣裴歸路預飾輔藩之館少休

使節之驟其錫燕觴以優賓禮

回程鎮江府賜御筵

內侍朱思正

有勅卿等東抗使禮遠敦鄰室歸展流虹之慶載勤
馳駟之歸錫宴南徐增華北道

回程盱眙軍賜御筵

內侍鄧珪

有勅卿等壽儀既講使範有光歷侯館以及疆指長
淮而利涉宜陳燕俎以寵歸鞍

乾道七年

赴闕盱眙軍傳宜抚問賜御筵

內侍符思永

有勅卿等遠馳使駟未慶流虹有懷將命之勤當厚

及疆之勞其陳宴俎以洽賓歡

赴闕鎮江府賜銀合茶藥

內侍符思永

有勅卿等並飾使車來趨誕節偃薄風霜之肅驅馳
川陸之修宜厚匪放用資真攝

鎮江府賜御筵

同前

有勅卿等肅將使指祇講壽儀歷侯館以寢深錫宴
觴而加厚勿辭燕樂庸釋勤勞

平江府賜御筵

內侍鄧大亨

有勅誕序將臨鄰載講眷馳駟於遠道命弭節於近
筵儼示豆籩示予慈惠

赤岸賜酒果內侍李唐卿

有勅卿等遠馳四牡來祝萬年錫以醇醪貳之其實併示近郊之勞欽承厚禮之郊

赤岸賜御筵內侍韓世榮

有勅卿等並持瑞節來奉壽觴之勞役於初寒豐宴遽於近館有華茲禮其肅而承

到闕賜被褥鈔羅內侍王公昌

有勅卿等來陳壽祝益締鄰勸甫從舍館之安宜具燕私之用茲維寵錫其即欽承

到闕賜被壽鈔銀內侍王公昌

有勅卿等來陳壽祝益締鄰勸甫從舍館之安宜具燕私之用茲維寵錫其即欽承

到闕賜內酒果內侍徐永叔

有勅卿等甫達慶緘即安賓館惟是醇甘之品皆吾皆御之殄輟以示恩休茲加禮

十二月二十二日上壽畢歸駟賜御筵

有勅奉萬年之觴方歸安於上館啓百邁之宴宜就秩於初筵母惜屬厭以承渥惠

上壽畢歸駟賜酒果

有勅卿等適稱壽學爰甜駟亭錫之九醞之醇侑以

嘉之實既推賜式亦獎賓儀

十二月二十三日賜內中酒果內侍李琪

有勅華居照路方觀射圃之歸嘉賓薦觴載出禁楹之賜茲惟厚遇匪曰常頒

玉津園射弓賜弓箭例物內內侍王裕

有勅卿等遠飾聘車來趨誕節惟娛賓之盛禮有觀德之旧儀嘉乃和容申之蕃錫

玉津園射弓賜御筵

有勅卿等甫伸慶祝庸講射儀諒孤之宣勤設鼓鐘而四嚮茲惟厚禮併寵嘉賓

玉津園射弓賜酒果

有勅卿奉幣誕辰禮無違者展轉別圃射則藏弓欲資燕飲之歡特厚醇甘之錫

淳熙二年

到闕賜被褥鈔羅內侍韓世榮

有勅卿等並冒初寒來趨載誕憇駢而授館頒噐幣少宣恩聊浣遐征即宜欽受

到闕賜生餼內侍韓世榮

有勅誕節應期使軺將舍念初安於舍館宜厚賜於
饋奉示抚存以昭睦遇

二十一日賜內中酒果內侍李琪

有勅卿等夙駕征驂恪修誕慶均清醇於玉牽二其
脆於調盤聊尉積勤併將厚意

十月二十二日上壽畢歸駟賜御筵內侍王裕

有勅卿等做稱壽學歸憇駟享春祇舍之良勤宜四
筵而加勞庸將殊遇併禦凝寒

上壽畢歸駟賜酒果內侍徐往

有勅卿等申祝堯年告遠漢陞舉加籩之厚禮致設
醲之醲言念將臨何辭盡醉

回程賜使副冬至節絹同前

有勅卿等來會誕辰歸逢令節禮厚庫縑之錫恩隨
宮線之添滌乃征塵被予渥惠

回程賜三節人從冬至節絹同前

有勅汝等並從使節來祝壽祺言念歸塗適逢至日
其令賜帛以助禦冬

回程赤岸賜御筵內侍張思溫

有勅展褥儀於壽旦已締鄰歡弭歸棹於候亭載陳
飲餞茲惟示惠亦以紓勞

回程赤岸賜酒果內侍張詠

有勅飛綬遐暨加請祝於修齡犯較遄歸尚春番於

近岸馳放醪核益溥龍光

回程平江府賜御筵內侍賈惟清

有勅漢殿稱觴已郊萬年之祝吳門錫宴用華四牡
之歸矧屬凝寒固宜盡醉

回程鎮江府賜御筵內侍

有勅卿等遠慶誕辰式遄歸旆將問津於江滸聊弭
蓋於藩方載洽睠私是頌燕勞

回程盱眙軍賜御筵內侍王揖

有勅卿等遠持壽禮申締隣歡驚歸轡以良勅即邊
亭而少駐載陳宴豆庸餞使華

淳熙三年

玉津園射弓賜弓箭例物內侍王敷禮

有勅卿等並使旌來趨誕節禮容有肅射藝可觀宜
厚匪頌用昭眷寵

玉津園射弓賜御筵內侍李唐卿

有勅卿瞻言苑囿近在郊洞弓矢斯張適宜於冬稟
豆籩有楚併洽於賓歡

玉津園射弓賜酒果內侍鄭安祖

有勅慶流虹之節已覲宸廷展中鵠之儀言游禁籞
時頒芳旨庸示寵光

朝辭訖歸駟賜御筵

內侍張思溫

有勅卿等遠修邦好肅講壽儀已告行期少休謁合爰就開於燕席宜深體於宸恩

朝辭訖歸駟賜酒果

內侍楊慶祖

有勅卿等恪修鄰好來慶誕符茲成禮以告行乃授書而少憇載頌醪核昭示眷懷

回程賜龍鳳茶并金鍍銀合

內侍李宗回

有勅禮成誕節榮驚歸鞍有華貢茗之盼庸厚賜車之寵雖云于邁可以忘勞

回程賜使副冬至節絹同前

有勅卿等曩馳使駟虔奉壽觴逮四牡之遄歸值一陽之來復豈無恩賜庸示眷私

賜三節人從冬至節絹

有勅汝等有陪壽禮並驚歸塗屬至日之舒長念嚴程之勤勩錫之幣帛禮我眷懷

回程赤岸賜酒果

內侍黃鑄

有勅宝鄰修聘適展於壽儀珍果侑觴隨頒於賓館式示眷懷之厚且酬拜舞之勞

二十三日賜內中酒果

內侍黃述

有勅卿等已奉壽觴方需宴禮出芳尊於尚醞分嘉

實於太官併寵使華欽承恩渥

玉津園射弓賜弓箭例物 內侍梁彬

有勅卿等誠通北道慶祝南山惟掌客之舊儀有射
侯之故事宜推蕃錫用獎嘉賓

玉津園射弓賜酒果 內侍王允修

有勅卿等入壽宸廷堅鄰之永好出觀禁禦展發的
之和容如錫瓊芳式資飲御

玉津園射弓賜御筵 內侍謝安民

有勅祝萬年於北闕使範可以加共三之於上林射
儀更肅可無燕席以洽賓歡

二十七日賜內中酒果 內侍王敷禮

有勅飛電流虹歲勤鄰聘醇醪嘉果日致恩頒惟慈
賓禮之優示乃使華之寵

密賜使副大銀器 內侍張思溫

有勅千秋紀節九牧貢金特推制器之餘庸示待賓
之禮庸子賜式寵乃使華

朝辭訖歸驛賜酒果 內侍謝憲

有勅卿等既成慶禮俶告行期游頌品物之珍庸助
盃盤之樂增光謁舍胥洽宸恩

朝辭訖歸駟賜內御筵 內侍張思溫

有勅卿等遠旆使裝來趨誕節歸舟載旆甫歷於侯
亭嘉實薦觴更將於恩意

回程赤岸賜御筵

內侍張思溫

有勅卿等屬奉壽觴茲旋使節掛征帆而未遠經別
岸以少留款示眷私更伸燕

回程平江府賜御筵

內侍梁彬

有勅卿等既奉壽觴式遄歸擢即蘇臺之粵壤申燕
俎之多儀尚體茲惠何辭盡醉

回程鎮江府賜御筵

內侍宋思正

有勅卿等已會誕期式遄歸旆惟是丹陽之館臨于

天塹之津載啓壘尊少休徒御

回程盱眙軍賜御筵

內侍徐考叔

有勅卿等奉觴無爽出境有期爰即邊城載開華宴
將予厚意尉爾遐心

淳熙四年

赴闕盱眙軍賜傳宣撫問御筵

內侍王楫

有勅卿等遠趨誕節甫次邊城念跋履之良勞宜撫
存之加厚就頒燕術深体眷懷

赴闕鎮江府賜茶藥

有勅卿等並持使節來會誕辰嘉遠涉於川塗特馳

唐益公集 五堂雜稿 卷之三
盼於茗劑諒體眷懷之厚頓忘行遵之勞

鎮江府賜御筵 並係內侍陸彥輝

有勅華渚流虹遠動輶傳朱方錫燕爰啓尊壘其體
湛恩勿辭露醉

平江府賜御筵 內侍賈惟清

有勅卿等展儀誕序弭楫輔藩馳遣侍璫就開燕席
飲此滫矣于胥樂兮

十月十八日赤岸賜御筵 內侍何弼

有勅卿等言馳遠道契飛電之嘉辰爰即近郊霈霈
雲之異渥諒增華於使節宜深體於眷懷

赤岸賜果 李鼎

有勅使華有信及茲誕慶之期郊勞加隆申以甘芳
之錫尚祇春渥庸洗征塵

十月十九日到闕賜被褥鈔羅 內侍鄧椿年

有勅卿等並膺遴選來會誕期肆頒服御之珍俾適
燕私之用茲惟異數以寵嘉賓

十月二十一日賜內中酒果 內侍李琪

有勅卿等來慶誕祥甫修覲禮輟禁局之醪核華賓
驛之豆觴有腆于頒宜欽而受

十月二十二日上壽畢歸驛賜御筵 內侍李唐

唐益公文集 卷之三
有勅稱壽于庭鄰歡備講示慈於館宴席閑開既酬
行禮之勞且厚待賓之意

上壽畢歸驛賜酒果 內侍徐考叔

有勅千秋紀節百辟稱觴嘉華使之來庭成令儀而
歸驛宜頌芳旨用洽眷私

十月二十三日賜內中酒果 內侍藍師古

有勅卿等遠將鄰聘夙講壽儀念舍館之少安宜旨
嘉之載錫是資燕飲其克欽承

王津園射弓賜弓箭例物 內侍謝憲

有勅嘉乃使華閑於射藝既效椿齡之祝肆觀楊葉

之穿特厚匪頒用昭眷禮

王津園射弓賜酒果 內侍宋敏

有勅醇醪列盎嘉實盈盤眷言慶壽之賓載講和容
之禮併茲寵錫往即欽承

王津園射弓賜御筵 內侍梁襄

有勅稱壽廣庭威儀甚肅射侯別圃技藝尤精宜儗
豆觴用娛賓客

十月二十六日到闕賜生餼 內侍何弼

有勅卿等通歡鄰壤展慶誕辰已備輯於多儀方少
安於上館茲庸續食用勸加餐

十月二十七日賜內中酒果內侍黃鑄

有勅宸庭獻單已祈千萬年之嘉實侑觴茲有再三之錫出於御府光乃賓筵

密賜使副大銀器內侍李琪同日

有勅卿等慶壽遠來受書遄反身未離於丹闕噐加錫於白金各體異恩欽承加惠

十月二十八日朝辭訖歸驛賜酒果內侍高思聰

有勅卿等自初稱壽既此告行嘉儀範之可觀知虔恭之匪懈載頌醪核往取盃盤

朝辭訖歸驛賜筵內侍賈惟清

有勅卿等來奉壽觴具成賓禮分驪駒之將駕儼籩豆之前陳屬此初寒均茲既醉

十月二十九日回程賜龍鳳茶并金鍍銀合內侍

李宗回

有勅卿等奉觴誕日懋館來旬念將據於歸鞍分頌於貢茗茲惟渥惠以寵行人

回程赤岸賜御筵內侍李琪

有勅卿等祝萬年之壽為十日之留爰即近郊更開別燕益光於行色尚深體於眷懷

十一月一日回程赤岸賜酒果內侍楊純

有勅卿等既成壽禮載鷺歸舟即別岸以少留馳近
而加勞錫之其旨體我眷私

回程平江府賜御筵

內侍謝安民

有勅卿等郊祝南山言歸地道念勞神於遠勞神於
遠役爰設醴於近邦寒色方嚴飲觴宜醕

回程鎮江府賜御筵

內侍朱思正

有勅使範從容既藏儀於誕節歸安穩載弭楫於江
城就錫燕觴否昭眷渥

回程盱眙軍賜御筵

內侍梁彬

有勅卿等奉觴辰月還軫仲冬指淮岸以于歸即邊

城而少駐馳開宴俎寵餞使禮

淳熙五年

赴闕盱眙軍傳宣撫問賜御筵

內侍梁壤

有勅卿等來趨誕節甫次邊城歸伸加勞之儀乃厚
初筵之錫茲惟異寵其克否欽

赴闕鎮江府賜茶藥

有勅卿等遠馳瑞節來奉壽觴永惟冒涉之勞良軫
眷懷之厚馳頒茗劑往助攝調

鎮江府賜御筵

並係內侍陸彥端

有勅卿等並將使指來會誕期念初涉於長江盍少

唐益公文集 五堂集卷之三
安於會府特頒燕術昭示寵私

平江府賜御筵 內侍謝憲

有勅卿等並駕使船遠趨壽節即蘇臺之勝地開賓席之華筵方履初寒所宜盡醉

赤岸賜酒果 內侍李鼎

有勅卿等遠持聘幣來慶誕祥眷舟御之良勞望都城而浸邇宜頒芳旨式示眷存

赤岸賜御筵 內侍何弼

有勅卿等枕旌獻壽馳傳及都宜修郊勞之儀以作使華之寵勿辭飲醕用對眷懷

十月十八日到闕內中酒果 內侍李唐卿

有勅誕節及期使華在館欵示眷私之意爰分禁苑之珍有映于頒宜欵而受

十月二十一日上壽畢歸驛賜酒果 內侍謝安民

有勅卿等遠修鄰好初奉壽觴即其舍館之安申以果醪之賜尚惟祇服庸休眷懷

上壽畢歸驛賜御筵

有勅卿等通兩國之歡祝萬年之壽甫成慶禮還憇驛亭宜就啓於燕觴尚欵承於飲賜

十月二十三日賜內中酒果 內侍宋思正

有勅卿等既祝壽齡方需宸燕欲厚北鄰之好爰分
中禁之甘其克正欽以承異渥

玉津園射弓賜弓箭例物

內侍黃鑄

有勅誕期載及華使遠來惟茲郊射之行時乃邦儀
之重宜推珍錫以寵嘉賓

密賜副使大銀器

內侍李琪

有勅壽儀既講使範有光欲昭示於隣欲特寵嘉於
密賚尚其祇壽此眷私

回程賜龍鳳茶并金鍍銀合

內侍李宗回

有勅獻壽南山已成賓禮分珍北苑用寵使華併錫

寶廕尚欽宸渥

回程平江府賜御筵

內侍徐考叔

有勅卿等奉觴壽且返旆朔陸夙戒蘇臺寵頒宴頌
尚體加之意用紓于邁之勞

回程鎮江府賜御筵

內侍李唐卿

有勅卿等遠持慶礼備講壽儀當寒色之凝嚴眷歸
塗之勤勩即茲江國賜以燕觴

回程盱眙軍賜御筵

內侍賈惟清

有勅卿等展儀誕節復舍鄰封將利涉於長淮宜少
畱於邗郡特開宴席用勞歸鞍

淳熙六年

赴闕鎮江府賜茶藥

內侍王楫

有勅卿等遠將信幣祇會誕期念涉履之良勞軫眷存而特厚馳欣茗劑庸輔保調

鎮江府賜御筵

同前

有勅祝南山之壽遠驚使禮經北固之城寵開燕俎歸厚睦鄰之禮抑增將舍之華

江平府賜御筵

內侍李鼎

有勅卿等恪修鄰好來慶誕辰揚舟旆以遙征仰藩而少駐特開華宴示眷懷

赤岸賜御筵

內侍梁暉

有勅卿等祇講鄰歡恪趨誕辰眷遵塗之甚遠欣弭節之有期爰即近特開華宴

賜被褥鈔羅

內侍韓世榮

有勅卿等遠涉初寒恪載趨誕錫以寢茵之具貳之器用之良併示眷懷祇承禮遇

十月二十二日上壽畢歸驛賜酒果

內侍何弼

有勅誕期甫及聘使遠來居然有肅之容厚其無疆之祝隨頒芳旨少酢恭勤

賜內中酒果

內侍梁暉

有勅卿等遠馳使節宿展壽儀茲弭節於驛亭維分
珍於禁苑有加之禮宜肅其承

王津園射弓賜御筵

內侍陸彥端

有勅賓輶遠既禁禦寵開觀克敬之威儀和素閑於
弧就頌燕勞昭示寵綏

朝辭訖歸驛賜御筵

內侍李琪

有勅卿等遠馳慶幣來會誕期既成禮以展辭將復
書以戒路就頌燕勞昭示眷留

密賜使副大銀器

內侍梁暉

有勅卿等祇講慶儀備成使事錫朱提之瑞器實北

道之歸裝眷待有加欽承無斁

回程賜龍鳳茶并金鍍銀合

內侍李宗回

有勅卿等奉觴成禮旋旆留期指貢焙以分瓊實實
匱而加賜推予眷意寵乃使華

回程亦岸賜御筵

內侍黃鑄

有勅卿等肅駕歸艫暫留近岸欲示勤渠之意載頌
慈之恩方屬巖凝勿辭霑醉

回程平江府賜御筵

內侍朱思正

有勅奉觴良月彌堅兩國之歡旋擢仲冬饔三吳之
勝就開華宴加寵行人

周益公文集

玉堂類稿卷十三

卷十三

周益公文集一百十三卷

玉堂類稿卷第十三

